

Gregorian se sastao sa McCollom: Pozitivna politička atmosfera podstiče dugotrajnu stabilnost



Vršilac dužnosti visokog predstavnika Raffi Gregorian se danas u Sarajevu sastao sa generalom Johnom McCollom, zamjenikom vrhovnog komandanta savezničkih snaga NATO-a za Evropu i komandantom operacija EU za operaciju ALTHEA.

Gregorian je informirao generala McColla o generalnoj političkoj situaciji u Bosni i Hercegovini, te o fazi do koje su došle vlasti Bosne i Hercegovine u ispunjavanju ciljeva i uslova koje je Vijeće za implementaciju mira definiralo za provođenje tranzicije OHR-a. Gregorian je naglasio da politički lideri moraju uložiti veće napore u rješavanje pitanja državne imovine i usvojiti ustavni amandman o Brčko distriktu, ali je takođe skrenuo pažnju na izazove nacionalističke retorike i opasnosti u vezi sa donošenjem pozitivne ocjene o ispunjavanju drugog uslova.

Gregorian i McColl su pozdravili opredjeljenost, koju su jučer u Briselu iskazali ministri vanjskih poslova EU, da se pri donošenju bilo kakve odluke o budućem odvijanju operacije ALTHEA mora uzeti u obzir politički razvoj situacije. «Pozitivna politička atmosfera, neopterećena neprekidnom nacionalističkom retorikom, predstavlja preduslov za dugotrajnu stabilnost», istakao je vršilac dužnosti visokog

predstavnik.